

Kenia

Die NG Kerk vanuit die noorde van ons land het in die begin van die vorige eeu sy lidmate, wat hulle in die Skeurvallei in Kenia as landbouers gevestig het, gevolg. Verskeie Afrikaanssprekende gemeentes is gevorm.

Daar was aanvanklik 'n spontane uitreik na die plaaslike inwoners in die 1930's en in 1944 is die eerste voltydse sendeling, BB Eybers, bevestig. Met sy vertrek in 1960 was daar reeds drie gemeentes gevestig en die werk is in 1961 oorgeneem deur die Gereformeerde Zendingbond vanuit Nederland.

In 1963 is die *Reformed Church of East Africa* (RCEA) amptelik gestig.

Vandag bestaan die kerk uit meer as 200 gemeentes wat in 10 ringe verdeel is met bykans 30,000 lidmate. Die gemeentes is meer in die weste van die land gevestig.

In die afgelope meer as 20 jaar het ons weer bande met die RCEA in Kenia opgetel. Hulle teologiese skool by Eldoret, die *Reformed Theological College*, is ook 'n lid van NetACT, die netwerk van teologiese skole in Sub Sahara-Afrika, waarmee ons baie nou saamwerk.

Hulle het vanaf 2018 begin om vroue as predikante te bevestig.

Lees meer: <https://rff.christians.co.za/the-reformed-church-of-east-africa-rcea/>

Kontak Daniël de Wet by missio@kaapkerk.co.za vir meer inligting.



Na afloop van die vergadering met lede van die moderatuur van die Reformed Church of East Africa (RCEA). Voor v.l.n.r.: Dr Nico Mostert (NetACT), ds David Letting (moderator), ds Hannes Theron (NetACT). Agter v.l.n.r.: Ds Daniel Barno (assessor), dr Daniël de Wet (Getuienisaksie), ds Joseph Watila (adjunk-algemene sekretaris) en dr Luca Arikó (algemene sekretaris)